

gift

HARVARD-YENCHING LIBRARY
HARVARD UNIVERSITY
2 DIVINITY AVENUE

NO LONGER PROPERTY OF
JUL 25 1968
HARVARD-YENCHING LIBRARY
K5568.2/2144.3(2)



CHENG YU TUNG
EAST ASIAN LIBRARY
UNIVERSITY OF TORONTO LIBRARY
130 St. George Street
8th FLOOR
TORONTO, CANADA M5S 1A5

小隱文集卷之二

七言律詩

逐水洞約諸友共會

鞭策疎慵蹶後塵
莘仁襟珮趁青春
窮源覓路今能

未曲水流觴又此辰
益友多文皆是富
名區占勝豈

云貧坐中少一人
何在谷口清風憶
子真

時鄭兄伯

經有約不來故及之

十里渭崖上林與諸名勝同遊

十里長堤汗漫遊平林濃綠蘸芳洲
簾絲暖響疑清晝
至菊叢詞蕩畫舟墮珥遺簪羣妓隊揮毫染翰幾
仙儔風流未了斜陽送璇月光仍學士樓

上林即文

昌侯手植而學士樓在其傍

庠中居接韻

仙吏朱幡降玉樓珠咳飛送渭城秋
階琴上已韓公
讌橋石佳辰漢浦流車共明經榮與有懷無良玉價
何求蜩吟只可諧輿誦杜若芳洲且泳游

地主韓致

肇同游有原韻

苦不耐寂奉寄隣友姜聖和

隣居偏側樹西東幾待楚音出谷空欲將葭樹交柯
倚敢擬薰蕕一器同白頭仰屋歎堪哉紅燭看書理
莫窮山門冷安緣誰破爲君他日笑開蓬

天將陰雨村人相戒亟爲乘屋

茅晝綰宵不待勸幽人遺俗尚敦厝雨陰豫備勤綢
戶風急休教捲渡江歲律將適宜處室寒威聊禦且

糊窓休農息物今方可
楫拙爐頭暖酒缸

觀字典

如蚪如蚪繁難知四十諸篇字典奇洞僻垂龍搜籍
日迹疑畱鳥造書時註疏分析兼匡園音韻高低總
夏夷天下同文昭代事如何當日屬康熙

凍雨兼風

木落風高天宇巍
峽雲釀雨轉霏仁
入戶沾來如雪
著颺空吹去若絲
飈鈴滴亂傳驚午
睡松濤捲起助

寒威床頭一篇箕師範休咎諸徵驗細微

讀尚書

青燈耿々夜何如舒捲床頭四代書
藏簡辛勤宣聖壁結繩良苦伏生間也多
佶屈辭難闡縱欲沉潛性奈踈皓首窮
廬仍發歎居諸可惜費三餘

七老詩

如夢前塵閉塞途窮村黃葉起長吁
瘦骨層稜封萬戶壯心零落拓三隅
星劍可憐懸古壁花袍只合典

春壚中朝近日多新進
麾下褊裨已剖符
右老將
百子篇中博古稽
升騰前路倚雲梯
風霜閱去天仍
暮志葉蹉跎日漸西
攜取舊書塵滿篋
提來秃筆霧
盈睂
多慙晚計猶迂濶
妄擬文仙列肩奎
右老儒
偃偻其腰骭
骸骸日夕農談四隣偕
畱畬豫備先聽
鴈水旱前知每卜蛙
婦子招呼同盃卧
兒孫分付且
巾柴百年耕鑿生涯足
甘與康衢古老儕
右老農
祝餘殘髮雪山堆
亦覺空門歲月催
曾經浩劫三千

界幾念明珠百八枚甚褻尚且聞鍾起雖懶猶能禮
佛回一退北堂跌坐後不徒形槁已心灰 右老僧
非徒治外善治內肘後神痊一夾袋何到褻遲高手
為謂多經驗妙方在應須與歲工愈精不妄投劑證
輒對諳練老成誰似君從知醫國用先輩 右老醫
非卜非醫一種人吉凶生死謂渠因雖言要福元多
妄適足欺愚善說神始訝通靈歌又哭終然重稽笑
兼頻少巫不敢搖鈴語恭手前筵禮上賓 右老巫

絕代香名早出羣曲坊謠舞擢羅裙花飛蝶散春堪
惜客去庭空日又曛已皺那能顏似渥強梳非復髮
如雲冶遊年少皆何處言笑東隣歷亡聞 右老妓

正月日夜與諸君漫詠

鼎鼎新春會一元天於羣品本無言玉人消息梅花
塢紅友風流栢葉樽勁敵有誰當墨墨強吟難我免
詩村通宵詔坐仍無寐久待書牕月一痕

次花石亭韻

亭主即章驩而亭在安義崔峴

花石蔥龍眼忽明問君緣底得亭名城頭像想將軍
面林下棲遲處士情少室何年騎白鹿剡川三月聽
黃鶯承先肯構餘芬藹畱取詩家揭月評

龍城途中

癸酉正月會行

促飯龍城曉啓程蹄聲特特馬長鳴峭寒幾日衝長
去豪雪兼風尚未晴許我行枚從遠近對君心界覺
虛明青燈旅舍山肩聳梅欲香時句欲成

平橋阻雪 二首

小橋消息雪花傳
膝六留吾肩
緣粉蝶夢魂回舞
席玉龍鱗甲散
何天逕迷一垤平
無迹山沒雙尖小
似拳呵凍吮毫詩
令促且將呼酒換
青錢

初或飛揚更舞回
輕風驕雪挾相催
蹄痕龍逐銀杯
散香信暗從玉樹
開前發行人何處
宿應瞻征馬後
塵來出門一垤多
奇絕星海無邊白
浪堆

暮渡南昌橋

杯酒無端氣欲雄
湖山一抹眼前空
騰仁策馬能穿

雪撲_二征袍力闕風俄從野店山光黑直入城門燭
影紅試觀今日在途客盡是行商名利中

雪後霽景二首

雪後湖山一色迷陰雲轉覺淡然微朝暄暖出黃綿
襖野店新開白竹扉泥滑欲酬禽鳥語天晴增潔鷺
鷺衣終教受簡梁園客題柱昇仙得意歸

兩情不啻百朋多我唱君酬白雪謫曉店光輝留月
色野橋消息倘梅花呼僮戒險經泥坂喚客嘗新壓

酒家不欲耽佳聊撥悶新翻何必問陰何

雙樹山城

錦官城外大江流蒼壁嵯峨起畫樓賓館有期來似
鴈客帆無恙汎如鷗明沙人影依依度晚浦烟光淡
淡收借得湖山文氣助爲君先學子長遊

南山墨洞次鶴臯主人壁上韻

終南叢翠入簾侵小屋蕭蕭靜者心隣僻還忘城市
鬧琴清獨古海山深半壁灑揮塵撲面九臯幽遠澤

遺音一世窮通能識未對君前席整吾襟

南岳晴嵐入夜侵一燈相對百年心
仙厖吠客家應近恠鳥畱人路轉深
天地即今難着手海山從古遇知音
吾生始覺春恩大和氣無私也到衿

楚

九陌遊塵了不侵一床琴史養真心
文章左海名家擅物色南山小屋溪
雪壑孤生千尺質雲霄將徹九皋音

後松鶴皋主人詩

茶香酒滴閑無事

青眼欣然話素襟

洲

琴瑟亭呼韻

曲終人去路嘉微古調琵琶識者稀曾有伶官遺鐵
撥宛如仙女舞霓衣靜聽疎松餘韻在空懸明月昔
時依數峯無語巖花落獨抱瑤絃信手揮

松風媒運動清微似此幽竒絕世稀午醉乘春紅
暈面夕嵐和雨絲侵衣心機滾亡南山靜魂夢悠
悠北斗依獨抱琵琶人不見小亭時復一絃揮

芝

亭在南崖映翠微兩山叢樾一塵稀平朝爽氣閑

支笏晴日祥嵐淡滴衣三市風花浮靄一萬家春
樹堊依一名泉怪石堪題品憶上詩壇一灑揮洲

終南賞春

山南遊子寄城南春事融一意政酣雙鞋緩步穿叢
樾簞裕新成映翠嵐幽花遇客何嫌獨好鳥留人或
請三竟日登臨知不妨滁亭文酒可同叅

短筇携到小溪南綠漲紅腴興正酣綿繡樓臺濃
瑞靄烟霞泉石翳晴嵐若教仙境盃傾百不換侯

門鼎列三春日春遊堪可盡蘭亭文會古今叅

芝

乘閑棧後上終南線路緣溪興轉酣花眼纈紅春
欲醫初松髻滴翠書常嵐深穿澗樹迴千百淨拂金
莎坐兩三晴景繁然模畫盡詩精良與化工叅

洲

次安義崔孝子號道齋韻

名蹟堪傳信史惇百年風韻至今存槃阿永矢心無
悶孝水從知行有源誰表高陽才子里咸嗟豐縣董
生村闡揚何必詞章在不匱遺謨勉後孫

輓鄭咸平在箕

坐深鄉黨已多時
眉宇溫仁挹紫芝
敦好文章垂世
意承傳孝友舊家儀
七旬對老維摩室
五郡銘留叔
子碑昔日逍遙松石畔
林禽如哭浦如思

次稽樵居士山亭韻

山靖閣正言致亮號稽樵

又号石室樵子

深入高岡剪瀆茅
青韁繡馬謝垌郊
嘯譌聊答漁樵
樂培植隨看竹樹梢
旣認山居隣鹿友
誰爭子所曰

鳩巢主人已道聾於世寄語溪賓莫謾嘲

次少陵堂

成韻果是著題乎其意有無雖不敢涯淡來詩頗

情云者亦欲倩人解嘲否謹奉教意

附原韻

收將樵斧撫蹊茅一派青山數斗郊舊伴芻蕘風
送笛小孩桃柳日長梢鷓鴣棲始覺安吾分鳩拙如
何寄此巢懶情由來成痼癖也知無藥可聾嘲

齋

友以杜陵堂成韻見寄故露拙續和者謾謔上

閔都事致完大八琴石在圭回甲韻

仙人不獨住瀛蓬南極星垂鏡水東承順兒孫歡迭
供康寧夫婦福攸同湯餅盛會曾何日華甲初回已
老翁挹彼高堂眉壽皞更添春色駐顏紅

大年無恙長靈根花甲周回占上元自有禎祥南極
肩重懸弧矢北堂門介眉稱兕觥諸子繞膝停鸞弄
四孫遐禔君家膺荐至前而聖善復頑尊

前一律獻

賀琴石丈座下繼以餘意更呈于樵史諸兄侍右

詩云乎哉但露拙

庚辰夏留京城潼南旅舍與鄭進士泰元雙洲
姜尚華梅下閑都事致完樵史諸詞伯唱酬

竟日風流過酒中更招詩友許茶同俳諧玩侮三千
甲醒迷歡娛六一翁沫蟹乘潮茶煎白金鳧見跋燭
堆紅鄴謁春雪要君和河未西傾月欲東

并六夜喜梁柱鳳茶山來會

笑揩青眼喜相逢談麈津仁到夜鍾玉宇精神回北

極海烽消息落前峰文章豈可輕論確肺腑祇宜莫
掩重促膝無嫌辭氣吐高筵盡是有情儂

二十七夜喜郭鍾華鳳南來會

踰嶺西來遠涉江逢迎賓館喜聞是文章自愧詩仙
侶材器誰堪國士雙攤飯床橫驚撤睡團茶碗進剩
澆腔多君標格清如許一陣涼風啓此牕

鍾街夜唱

九陌囂塵人定時金壺玉漏報更遲
橫街拍手爭相

唱匝域騰歡正可知
烟月康衢應溢化
琴絃薰殿願
賡詩落梅折柳還除却
一曲昇平盡不疑

二十八夕許纘晚圃來

箭亡輕風陣亡微鏡中頭髮攪依亡各隨明月宿鴻
聚暫借華堂客鷺飛詩上最多強敵手酒餘太半露
天機殷勤未了叅同意須趁斜陽始乃歸

李進士源乾取堂夜至

漢面賓郅一逢初
通昔敲柴契不踈
明月前川曾照

壁紅雲北闕幾懷書窓梅解欲迎人笑詩楊知應待
子虛今有心神融會處南山蒼翠對如二

五月晦日

泓穎相隨不待呼詩朋有約肯來無登園賦雪相如
漢聘國觀風季子吳九街夜靜聞歌管萬戶燈深隱
畫圖唱酬堪作他年事文酒風流勿負孤

六月初吉與金東錫惺夫鄭賢基蘭史鄭光夔

桂洲共賦

龔居偏側街東西青眼歡迎手共提堪愧緇塵多化
俗從來野性不廉溪旌亭入夜懸灯遠槐柳連天欲
雨低却使踈慵還跌宕吾心不是絮粘泥

初二夜諸朋或散與三四友拈韵破寂

峨嵋琴韻海山皆詩地評來漸入佳蠟屐殷勤穿柳
街茶鐺齊整靠花階曾於物態多經歷且以塵愁爲
遣排每夜相招君莫惜不如文酒好開懷

初四日雨夕詩席更圓

宋日源青坡金蓮士奎

錫南坡

文仙有約抱琴來石鼎衡山更撥灰滴雨聲涼簟
席沉夜色隱樓臺風儀儘覺聯珠媚詩令誰違擊
鉢催郢雪肯諧巴俚否花箋一幅為君裁

驟雨

雲黑風驅陌漲塵鴻濛天地未更新雷聲忽送爭喧
浦河勢漫平不辨津疑懸銀瀑飛颺急欲破牕蕉亂
打頻翻盆驟注頂更定收斂神功始識因

一可亭觀射

一可亭前衆耦分穿楊百步藝超羣棲鴉入穀如圓
月擘鴈驚弦欲墜雲挾皆綵張號亡進中必紅心箭
箭間三陸近日多邊警莫使恬嬉弄武文

初六日觀濬川

支流旣滌又川源催發民夫近水村江閣新晴涼簟
席海門相接走鼉鼉蹄涔不雍隨波注畚鍤成羣樂
事奔安不忘危疏濬意遠稽神禹戒常存

夏夜即事

夜氣澄明燭影團詩筵來坐請君安談鋒轉詭休堅
白茶碗頗香亦有丹索米何心為遠客哦松有事似
閑官花紋蘼蕓清如水夢裡鄉山即喜歡

初七日苦雨歎

一旬恒雨百為難應使乾龍未暫閑誰補傾天將鍊
石便成洪水欲懷山滿街滑仁泥千丈避漏床仁屋
數間洛下遊人新貴桂長歌一曲不如還

初八日苦熱

一天烘日永如年花欲燃紅柳欲眠鑠石洪爐今世
界鮮衣涼館便神仙大地須憐乾死者清風願借御
冷然乘暇隨君如可得枕流嗽石傍林泉

霽天喜見新月

如洗晴空萬里遙半輪微月始今宵漸長光輝流玉
宇叅差影子渡銀橋滓穢太清誰點綴殷勤良友可
招邀星精願借臯陶簪休使浮雲氣勢驕

初九夜喜取堂重訪

詩朋瘦島又寒郊
皎々風前玉樹梢
得月正宜良夜話
論琴誰許寸心交
來如渤海乘鳬集
借似華堂客鷺巢
此會堪爲文字飲
葦簾何必列佳肴

十四日夜朴叅奉 寅和來訪

詩家田地幾層高
好是清談又一遭
冷風十日如將御
濁酒三盃欲漸豪
更樓夜靜宜明月
荆土天荒笑白袍
投我衿期煩熯忘
且將團扇莫辭勞

十五夜

乾坤浩漭一高調月朗眠惺問夜何哦咏從知言有
味勸酬休道酌無多終然曠野為樗櫟欲遂初衣製
芰荷洛社繁華他日戀一年強半此中過

二十一日拈韻漫吟

水紋蘆角竹方床時未涼生倏覺涼夜靜幾傳聞漏
閣神清還似卧雲裳猶有鉛刀堪一割誰將策手擅
三長知是天公分付在槐黃舉子不須忙

次族第箕壽菊潭回甲韻

余於菊潭老人生并一歲而訖其月日余固糝
糠於數朔之前今值君回甲之朝情以相愛老
以相憐而不可有唱而無酬遙挹鄜縣鞠水以
助蘄黃之意云爾

羨君無忝厥初生頗眷年來嚮福清竊想劬勞當日
事應添孺慕此時情並於澹謔六旬到猥以雌雄一
甲成鼓缶而歌相賀意遊遨嬉戲幸昇平

次梁景華蓮窩晬韻

南極星精耀盡幃白雲茅屋降仙儔餘哀偏切我蒿
感頤養安排杞菊疇慶溢謝家乃寶樹齡添絳縣數
花籌洛中盛事昇平樂甲會千年續唱疇

與李鶴西同酬

布襪襪鞋氣像佳知君行路自丹崖步虛認是雲生
履覺爽應惟月滿懷好語似珠良友會斜陽如繡暮
山皆瓊章木果非云報多謝清輝侈小齋

癸未七月初八日甲韻

有懷明發耿無眠時日重回覽揆年初志久違蓬矢
事餘哀堪廢蓼莪篇盤頭小酌雖將進鏡裡衰顏亦
自憐杖屨招邀南北衙幾人康健飲中仙

次鄭性純回甲韻

起處康安問北堂怡愉顏色白眉良聊將斲考今朝
讌更咨玄閭昔夜祥俯仰追惟孤矢志瀕涖猶足稻
粳香紫琳仙訣君知未樂太平時進此觴

次族第在昇回甲韻

數歲前吾過此年一彈指頃幾旋天好緣無恙夫妻
對孝養供歡子姓賢分內若將要福老世間那必羨
真仙煌煌南極垂何夜竹下閑翁設勝筵

輓閔監授在圭

如公知不苟然生瀟灑仙姿晚福清恰好四龍堂宇
羽矧兼雙鳳羽儀成七旬繼久躋稀壽一命猶堪到
老榮雲白山青何處去鏡湖東畔送丹旌

和趙性震

晚來西峽息馬藏宗黨攸存便故鄉
照鏡寧羞綵髮皓數腴聊慰渥顏蒼
楚砧岷葛催年暮渭樹江雲入念長
好會尋期明歲約月溪春水共流觴

鄭進士在咸晬韻並小序

四月八日或云佛祖如來現身日也而厥越十日辛巳即檜園翁回甲晬辰也矯亡羣龍充牣堂宇歸喜稱觴供歡速賓寔是滿室和氣然翁

之歎嗟之心大可想矣追惟當日劬勞又念初
度覽揆槩不無遺憾於終養則翁之今日言志
豈非油然而發者乎走是枌社中人稔知翁意
之勇在敢以艸虫微音謹步餘韻以接末曲

六十年前昔日今居然華髮鏡中臨晚齡上舍伸前
屈永慕南陵協舊吟德鳳簪琅躋壽久羣龍進食供
歡深追惟同社諸仙會若值斯辰許更斟

輓族叔光羽

壽域春風際皞熙一門年德最先之靈光古殿歸然
在南極祥星爛矣垂滿眼諸孫能盡辨嚮疇康福可
推知明朝數郡埋鄉長淚灑東籬晚菊時

韓鍾浩大人晬宴回迺壽職追贈合慶詩並

小序

凡壽不可必得而得而安享之者蓋亦或尠大
賢如顏氏而猶不免夭焉雄辯如蔡澤而亦曰
吾所不知者壽今榆田韓公以大耄之年與賢

配並享偕老禮重行於合巹之日甚盛舉也
朝家特優老典許之以三品敦都之職加之以
三世追榮之恩其嗣胤鍾浩夫妻回甲或先或
後適丁於是歲乙酉之春於是稱慶飾喜會親
賓設勝讌戲斑衣之舞歌南陔之詩其樂融融
未可渠央嘗聞石郎中老白首而萬石爺尚無
恙傳為曠世之罕事自分司夫妻加爵封邑而
詠詩之龜兒未聞經世而亦壽則向所謂壽不

可必得而得而安享之者蓋亦或尠者乎踰歷
古今絕無而僅有者公得而享之則吾知韓氏
之福慶自天申之而與南極相輝世已而未艾
矣歆艷所到敢和近體二律一以賀吾公嚮用
之慶一以助賢胤介祝之忱云爾

壽者前人所不知德門綿慶我圖儀迨歸吉禮重回
日貽贈恩榮仰慕時膝下供歡班彩舞座中聆韻
白華詩公能無恙况髮皓長願年亡獻此危

伊昔懸孤今肆遠重光甲子降生年非徒躋臺雙親
下又是追榮數世前天女解禪夫婦老謝家乃寶第
兄連福星南極輝仁處存慶方來象藹然

謹次族叔光懋松坡翁回榜韻

花甲戊辰蓬榜戊甲回豈易榜回又千莖白雪頂憐
今一領青衫復替舊賢座當年瞻御雙時則純

祖禪傳翼泉代理并御西宮肅拜謝恩而共

時翼廟坤殿今年八十一歲矣

慈宮是歲

笙旬九更加天爵非叨榮始驗人間仁必壽

答韓鍾浩

惠投瓊韻多感不憲朗誦屢回慙自賡步中鐸

微音詎和黃鍾也

癡儂志業本空疎而况年來又索居子美謾勞寒士
庇文通懶作故人書自憐俗臼無閑事遙想山隣靜
太初珍重一詩何以報只將永好木瓜餘

次尹野老山水臺韻

車衣之墟是靠山而臨水者也山不甚高水不
甚駛必周遭回護若蹲若伏終則平遠醞藉渟
滯屈曲而洄而止末乃漣漪直淪真閑居者棲
息之所也積累百年無人拈取者近有號野老
者尹翁當山之缺水之洄處剜一小巖鑄之曰
山水而築小臺爲登臨之資地雖勝得人焉居
之則山若增而高水若闢而廣蓋翁恬淡自守
無求於世得茲地專其勝則倘非有得於動靜

之驗而可與人於仁知之觀者歟翁其優哉游
哉不改其樂也歟然則吾雖污豈其故為虛辭
苟為誣美也哉

安於恬淡到裴頠宅近佳山又水隈動靜探來真趣
寓智仁觀去好懷開常存秀色當牕對分作餘波灌
圃回流峙中間翁自在嬉仁其樂付斯臺

和獅孫趙進士鏞和書塾月峯齋韻以勗之

一輪明月散書林想見前脩千載心不賢經營成第

棟要尋音韻理瑤琴從頭若立根基正着脚終看造
詣深嘉乃英年勤志葉端令老子發孤吟

次鄭元七煥樞回甲韵

清福誰如老太平重光甲子喜傳聲克躋壽考叅三
達用嚮康寧濟一生堂聚弟兄真樂意衡招南北共
歡情我亦曾徃斯歲否慣看今日介幽觥

汾上月臯子以詠菊韻戲贈強和以呈

尊生那必欲熊魚模菊仙翁嘆水驢餌可已風金綬

鳳硯宜滴露王鵲蛛香聞霜傑憐痴蝶花戒偷墜勿
伏狙須使忍飢經誦者天隨生杞菊賦序曰我忍飢

誦經幾年豈不知屠沽異有酒食邪逞而作杞

菊賦以自廣

不知沽酒與屠猪

和月皐

德裕之南天嶺蹟對君羞道古家門優劣鳳龍嗟失
蔭敬恭桑梓僅成村愧無趾美承先志只擬首邱返
故園飽德而歸旋復寂汾西遙望去來雲

月峰開闔掩仙關白首相驚青眼看老學不羨君秉
燭童年俄度我凋顏幾消樽酒良宵半剩說人情一
世間知有舊交期永好應非腹熱又腸寒

前投二聯

似為我遲故之故而優加贊歎之辭自顧忸怩
不可堪任謹此呈謝

附原韻

介坪奕葉拇全嶺裙侵峨二廬鄭門頭派德裕烟
霞窟一壺玉溪棠梓村玄成戾瀆垂先址仲海蓬

閨戀舊園儻念汾西苑佩友白頭相至詠停雲

烏驢鳴入碧松閑那意新春舊雨看我倏三千饒
白髮君何七十駐紅顏悠二拊昔傷今外媿亡論
文把酒間音若母金分手後方知車笠不盟寒

輓族叔光倬

宗有賢聲里有仁不修邊幅以淳真歡供滌瀝超三
子安養康寧到八旬南畝稔登盈庾粟北堂常儲介
眉樽若斧若防先隴側靈輒護送太平人

次河司馬在九回甲韻

老猶孺慕蓼莪篇應以劬勞感集先綴闋三暮伊是
日重臨一甲者希年弟觀兄甫酬盃意天女維摩八
室緣但使鵲寧餘地裕不須怙悵肆初遙

次表克臣新屋韻

剪茅戾瀆卜居成矧近先基樂而生工告新功魚頌
檣賓從舊雨且逢迎咿唔案拍吟書響彭魄郊傳打
麥聲甘老昇平於此世村舂社鼓自相鳴

次表克臣甲朝韻

太平生老亦天恩又復孤辰敢惡言當日劬勞哀莫
報同胞怡悅鮮無存况孫滿歸趨庭喜歲月偏忙過
隙痕此年是我曾經者倘共南陽泛菊樽

次族弟桂壽甲朝韻

南極星光耀華門六旬年事兩雲翻賢妻御瑟堪供
樂稚子斑衣鮮繡恩老且康安猶可幸命之窮達不
須言招邀自有北南衙是日風流足一樽

挽鄭軍威在範

文獻家中乃挺生
惟公天稟得豐盈
覲儀軟似蘭芝
茁臨事堅如鐵石
鳴兩郡分符循吏蹟
八旬遐算大
夫榮山青雲白人何處同肉親
濟哭徹聲

輓族叔同知光懋

鍊金其志玉其形
來降吾門有典刑
三達尊榮崇德
宇百年脩養讀仙經
慈航普渡西方佛
比地精光南
極星城郭依仁遼鶴遠未知何日復回丁

贈族姪孝子柱鉉

純孝由天克至斯終身孺慕自嬰圯若非真性應難
到揆以常情似不支泉湧州枯無不感虎馴魚陟莫
相疑弊裘糜粥廬居地忘了祈寒又忘飢

若此孝不

下古居於今孰不欽慕矧吾宗黨有斯人也哉
欽艷之敬歎之不覺蹶然忘拙呈此

次族弟英壽孝行旌閭韻

請看樹風表宅閭根天誠孝賦元初果若斑衣與枕

扇何論雪筍又冰魚永叔堪為一行傳董生應讀古
人書勉旃似續宜無忝錫類家謨自有餘

獅孫趙進士鏞和有賢行不幸短命而其妻河

夫人待其夫治喪從容下從痛矣斯人烈哉是
婦至情所憾發此哀音以俟扶世持論者感茲
而褒尚焉

強將哀韻替薤歌佳士賢妻一則柯受命有期嗟莫
贖所天為報斷靡他生如夭折無生可死且甘安不

死何但冀揄揚彤史筆
月山崖石倘能磨

次族叔光中回甲韻

備福元來隕自天
非人強請到尊年
越阡度陌桑麻
長竹字玄堂予姓全
若驗平生行善業
回看初度介
眉筵無虞無慮三平樂
認是塵中不老仙

七言排律

贈閔叅議樵史致完回甲韻

年來三百六十日
不病者無幾
而入近痿咳
帝

引或呼吸難通轉運不得適聞龜孃將赴華甲
稱觴之會此行果不可已者乎似是不緊而不
可強過伏枕呻囓爲夢譫語賀呈樵史叟令座

下

翁乎其生豈偶爾胚胎德蔭著精光蘭玉其資金石
質年紀才到二十種遠遊長程發軔肇不欲整躡守
空堂京洛緇塵勞化素甘苦備嘗冷暖場失得勿恤
時變觀如虎乙挾龜六藏急流勇退還故山攀躋林

壑猶康莊石仙萑蒲九節杖緇徒韻士相追翺老而
益壯不其歟方瞳瑩仁韶顏蒼稽山拾得嘉林瑞重
光甲子龜煇黃鄜縣老人工釀法菊潭纈馥羅壺觴
階庭玉樹瑤琨聯翩舞彩趨而蹌百不憂中添一
樂和氣融曳連棗床白華南陔裏迭奏祝以岡陵酌
彼康追思七十年前事我亦蓬萊射四方力量有限
材亦散奮飛不過搶榆枋慙愧顓蒙乏學力枉沒歲
華梁黍蝗嗟昇歎老今何成窮廬歲暮狂歌長黃能

不憐驚眼瘠長使吟呻勞腎腸寄聲遙謝山陰墅多
病長卿勿較量

詞

趙外孫進士鏞和
哀詞

夫有孤特中折而一嘉士方稟貞明而淳剛早失所
恃而沉鬱方積孝思於幃堂每晨昏而耿々方沾汝
衿而浪々抱此恨之悠悠方如一日于二十霜見汝
丰儀而自慰方如見汝母之在傍何幸立身而趨時

方顯其親而名揚早蜚英于南國分籍遂托于上庠
亦負笈而從師者躋履到於高門年綴過乎弱冠方
謂漸進而彌尊奈見猜於黔羗方惱二豎之沉昏不
獨三醫之累試為候半年而痼祟根路修遠而莫聞
知者抵月溪而乃真傳忽奔馳而入方者對惻然而
悶然見汝病中而傷懷兮此時相見返不鮮遂抑情
而強別兮才一宿而薄旋不過其間之數旬兮遽凶
音之胡遄夫何秀而不實方固痛惜予前賢嘉汝室

之貞烈兮及治喪而服成即其日而下殉兮樂取義
而捐生緣未了而同穴兮窮天地而相與并忍令汝
親而窮獨兮強將何辭而慰之惟有二稚之眈然兮
撫鳳毛之旖旎待頭角之嶄然兮庶門戶之扶持汝
之歸也歲將周兮已過時而愈悲尚今遲乎往哭兮
果余足之誰縻汝或謂我之無情兮病絆身而痿痠
俾汝叔而薦豆兮庶無或乎吐而

外孫婦河氏烈婦哀詞

夫何碩女之婉孌兮貫汾陽而氏河稟貞一而純固
芳儀端莊而且和辯貞亮而為珩方珮陸離而猗那
中含章而內蘊兮曰來嬪于月山阿尊章善之而稱
孝方夫子宜其而為家有女士之賢行兮如貞珉而
無瑕迨君子之有慎兮代身禱天天翁嗟岐伯歛手
而不試方壽訣難與謀鬼魔奄一朝而城崩兮好寅
緣為冤業耶已矣乎心斷二方從容處義而下殉捲
青衿與綠衣方從九泉而相趨生同盟而死同穴兮

雖千劫而不違抑未知泉臺之下方拜尊姑而依仁
幸爲我致一言兮髮盡禿而氣息微駐世其將無多
兮地中頗面其庶幾嗟一哭之尚稽方或無冥中之
誚譏

文

祭家宅土神文

維年月日宅長某敢昭告于家宅土地之神夫祭家
宅而有五祀報先嗇而通八蜡粵茲棟宇新建塲圃

既築家故連仍未遑吉蠲之饔今當除舊迎新之夕
謹以清酌時羞拜獻祝無留無害福祿永止無疾
無憂婦子寧止無魔無障詩禮劬止不桀不黠僮僕
歡止不蠹不螭稼穡茂止不瘠不癯蓄產蕃止申戒
戶靈不祥嘔止泰慶門楣庶其佑止尚饗

祭洞山土神文

維歲次丙戌六月日某敢昭告于洞山土神伏以自
今春夏以來冷氣雜沍因仍繼起民人傷損村落隳

毀是或荐飢之餘百鬼欺凌幸盤肆行恊教咎徵歟
抑又民庶多艱轉相狡獪獲戾上下使之懲艾歟慄
慄危懼俯仰罔措疾痛之極較此籲訴所以村民合
意齋誠百拜致虔用告神明庶幾歆格以佑斯民驅
厲消灾福祥畢臻尚饗

王溪先生躋廡事代道儒發通于嶺南各邑文
右文爲通告事宗賢尊祀昭代盛典宗師請享多士
公議也在昔宣廟有意於都俞雍熙之治而時則

有若玉溪盧先生諱禎以大學修齊治平之道佐理
夾贊賁飾人文恭濟世道性又至孝到老孺慕 宣廟
特命旌閭 仁廟欽其學行命謚文孝 顯廟嘉其
道學命賜院額曰唐洲 列聖之褒獎崇終吁其至
矣先生仁而質美穎悟絕倫年甫四歲能解文字五
歲其父已卯名賢信古堂諱友明手寫中庸及朱子
箴銘跋以教之應口無礙父奇之期以遠大及六歲
父沒哀毀如禮母氏悲憐勸以從權對曰兒今六歲

至服闋則八歲豈以八歲而不服父喪乎隨其兄廬墓持禮以終三霜見聞者莫不歎異早以一蠹鄭先生私淑淵源又襲信古公庭訓教篤講道明理卒以成德嘉靖丁酉選入太學德性純粹學識高明見而知之者有若思庵朴公蘇齋廬公松江鄭公林塘鄭公諸名流皆為道義交又與退溪李先生講論大學精深到底往復書札深相敬重先生嘗曰為學不在多言求之大學篇中十六言足矣又所尊信者論語

近思而已其爲文章不事浮靡深得濂洛文體其文集刊行於世故月沙李先生撰其墓志及碑銘曰天眷我東篤生賢淑名載太史功在斯文章疏慙懇字字典謨庶幾禮樂陶鑄唐虞栗谷李先生美其與退翁論格致等說而欽歎心許之曰盧某死吏部無人匪借其濟世之器也服其道學之精粹也尤庵宋先生欽惜先生之道至於請額疏本極贊道學之精粹河西金先生亦爲琢磨道義之友而講論吟哦班已

在集則其道學淵源自有來歷又與重峰趙先生
並一世志同學符先生在憲長時特啓宥還趙先生
北配之舉靡有餘力則當時兩先生道義許心至今
炳然也往在戊午湖嶺章甫以重峰玉溪躋廡之意
合辭發通將至徹䟽而迄从未諧幸於昨冬趙先生
則已為蒙 允而惟我盧先生獨漏未聞故湖南多
士又舉此議齊會發道將為伏 閤之舉則矧此本
道是先生毓靈之本房而今儒士景慕尊仰之心豈

殿於他道哉大抵此論非以趙先生援據為言然堂
堂公議不可前有而今無亦不可終然而泯默故茲
敢發通于本道列邑伏愿僉君子聯名齊籲以完大
事則斯文甚幸士論甚協

代鄉儒呈族叔同樞光懋松坡公實行文

化民等謹齋沐再拜上書于城主閣下伏以人之百
行以孝為原而人莫能之以德服人仁必心悅而民
鮮能焉惟本郡近故嘉善大夫同樞公盧光懋其能

之之人乎其先有清白吏仁曹叅判松齋公諱叔全
已卯名賢判書信古公諱友明吏判文孝公玉溪諱
禎其餘七忠九孝四逸世垂芬芳貽謨後孫公能承
襲之又能善述之且稟德性與物無忤家雖窮約能
善事二親竭力耕田山樵溪漁以備澆滌及其親瘠
之癯劇醫藥必誠百日禱天嘗冀恬苦此雖子職之
常可謂能人之難能至於初終殯葬哀毀踰節喪餘
之祭感惕動人生事之死葬之祭祀之并皆以禮則

能衆人之所未能者豈非斯人之能事乎器宇溫淳
氣象春和使人覲德不覺心醉雖閭閻婦孺咸曰君
子哉尚德哉萬口同聲無一異辭豈非以德服人之
能乎民等雖污不敢阿私於其間而吾城主莅茲已
有年則亦應八閩其大槩矣茲敢合辭仰籲於明府
之庭伏愿特垂澄省期於揚善樹風而轉報棠蔭俾
有實效則亦非吾城主難能之能乎無任祈懇之地
謹冒昧以陳

車孝子弼基旌閭上樑文

人子之盡其誠心自有當行之分職 朝家之表厥
宅里詎無永樹之風聲天叙攸敦爾類永錫念昔孝
子之篤情愛艷此鄉隣之共嗟歎刲股而親瘠復甦
必欽格乎天意造墓而哀詞忽動尚感發於人心洞
號五倫同專美於高陽之里喪致數郡奚但取於李
良之豪豈獨大連之善居兼伯仲而並美曰嗟董生
兮誰匹宜刺史之崇褒庸是輿論之公蒙此禮部之

典名傳虎谷人點指而不疑門設烏頭士奪瞻而必
式山川動色是當年漁樵之鄉丹雘增輝宛今日精
靈之所孝養至矣人皆願有子如斯崇報極焉世必
曰無德不售人自趨事捐十金而募工役不費功度
數楹而開址斯陳善頌助舉脩櫟

拋櫟東人在五倫洞中仰觀朝日生處照我片心先
紅

拋櫟西谷虎馴山鳥啼魚隊不驚自在宛然當日臨

溪

拋樑南卧龍山色如藍狀得古家遺範百世清節雲

巖

拋樑北仰瞻衆星拱極國如求忠必孝世仁恭修子

職

拋樑上默臨天宇高曠遙想當日虔禱也應受茲景

貺

拋樑下源仁孝水長瀉有子有孫不匱休命千繩續

遷
伏願上梁之後雪筍無恙冰魚不驚風於一方俾閭
里而則倣原於百行垂後昆而裕傳永誦蓼莪篇章
不墜喬梓道理

正寢成造上樑文

相地拓基先占上棟下宇之象營室建宅自有內寢
外堂之規爰茲度咨乃敢興作念昔先考之轉寓前
甲已經嗟余小子之棲遑艱辛嘗備自晉陽而移馬

峽返咸城而携鶴枝每睠故邱惜先芬而懼墜自顧
綿力量重負而難擔若不趁此時而振綱竊恐倏百
年而過隙遂於前臘翔遠嶺而挈家茲以新春鳩僦
功而集役苟完矣苟美矣安用峻宇而雕牆肯堂之
肯構之只要師儉而傳世招衆工而乃議云吉卜而
允臧或斧或刀或鉅或斤待都料之中處某年某月
某日某建俾主人而易安乃茲消擇壬寅之鼂實是
方興未已之象庸獻美頌助舉脩梁

拋樑東瀝川如帶又如虹
細甃大酌祈遐祿
升日扶桑照檻紅

拋樑西白雲一脈與天齊
遙迤盤屈走元氣
回巧獻奇高復低

拋樑南頭流濃翠
色如藍
此山從古多靈草
朝採暮煎玄哺含

拋樑北山出馬鞍
高拱極天庫
天倉如許崇壽而且
畱好行德

東山閣文集
卷之四
拋樑上投覩青天瑞日朗燕雀高飛新賀成如茨景
祿潜周旼

拋樑下鬱翠桑麻滿四野戎以田夫勿惰安粥饘於
是供春夏

伏愿上樑之後羣憂並消老者安而少者健諸祥畢
至男則百而孫則千讀禮劬經趨戶庭而裕後回軒
容駟大門閭而傳家

祭夫人權氏文

維己卯六月日夫某依朔奠禮具菲薄物操數行文
告于故室宜人安東權氏之靈曰嗚呼自我伊匹于
四十春食貧中饋備嘗艱辛然多內助且我家人歲
丁乙丑我赴槐園親瘠卒革奄忽背違初終諸節疇
謀疇依獨辦茲事詎無餘憾痛切情私風樹交撼四
箇男女辛勤嫁娶奈彼趙室逆境先路矧此歸寧慘
景何故憐君軟質肩嬰疾病自昨夏穗漸入危境緣
我謀食將往汾隈垂淚謂余視事即回綴涉一旬急

走伴來奔馳到家口噤不言百年約誓一夢無痕自
君逝後益覺無聊奈何稚宗疹神不饒豈其天乎不
秀而苗一室悽慘頓無生意久病其母惟渠是時今
焉已矣謂之何哉來許所祝瘳疾弭災君其有靈佑
於幽廈有秩斯祐綏我子姓注此一觴余衷有盡聽
我監我庶幾歆格嗚呼哀哉尚饗

祭鄭煥敦

舜弼文

維年月日世友某來哭于近故處士澹翁鄭兄之靈

曰嗚呼公之生世五十其年氣宇克窳性賦不偏
識淵深風雅騫翬介石其操律身無違坐深鄉黨考
德聞義淡如之交亦我不棄每接芝宇加以繩規謂
當百年永好相期那意一朝詩痼漳濱天命誰贖二
豎纏身如非靈府去而修文必是玉樓題樑待君旣
豐其賦嗇壽胡爲萃亡溫亡寧復有之古家典刑似
續誰歟舊篋殘篇空食蠹魚身後之事落亡零亡林
泉破宅曙天孤星前人陳迹有同于今撫琴登床哀

淚盈衿虛堂月吊素雄風悲古庭艸鞠空梁顏疑昔
我来方言笑溫今我来方儀形閱若有知兮應格斯
一編荒辭綿酒漬嗚呼哀哉尚饗

祭姜公大魯文

維年月日查下生某謹具菲薄之奠拜哭于靈筵之
下曰嗚呼公之生世七旬其年賦性淳溫藍田玉烟
與物無競亭瀟川淵詩禮舊家敦素其規棗麻數畝
勤儉其資教誨有方蘭茁芝英怡養有術龜息熊經

謂當長亭遐筭無期遽爾一朝莫恃三醫繫我猥非
詎忝葭莩飄泊餘生言旋故邱願卜翰隣杖屨追陪
江湖滿地德星瞻回桑柘連村較雨量晴園葵爲折
樽酒爲盈捧席掃榻樂未渠央黔羸發笑化兒見猜
倏爾乘化遼鶴何之地府冥亡邈雖難知知舊相從
無異生時惟我先君繫必相逢不肖孤兒爲報形容
釀涕獻杯庶幾格斯虛堂月吊素帷風悲嗚呼哀哉
尚饗

祭趙性潤文

維年月日查弟某情不盡言口不盡意謹依韓文公
十六字文以一盞清綿數尾海族痛哭于查兄故處
士趙公之靈曰繫我相距不遠伊邇自初弱冠旣洽
歡喜中忝葦誼情好采篤十年之間洞見裡襟歲丁
乙丑風樹痛纏綿亡此恨極地窮天靡逮之痛有愧
歐詹跡滯場屋萬死猶甘兄於是時連棣翩翩不憚
衰威極力周旋際此相恤豈徒葭蔭銘肚鐫胃圖報

無地自是之後離合有數漂泊餘生遽爾旋故一年
之內逢着有期春秋兩節迎接笑怡謂當百歲相期
無窮豈料一朝倏爾仙蹤馳往將診臯音已徹儀形
永闕萬世長訣自兄逝後事多變嬗惠連伯從經長
逝焉藥亡諸哀依仰其誰靈光故宮惟存仲篋所誨
螟蛉其儀式似庶幾瞑目無負初志衆麻嫩抽梓材
肯構百歲之下其曰有后稚孫停峙如鵲如鸞必將
昌大奕葉門欄亦我無似與有榮焉勗哉勗哉勿替

相傳昔我來斯頃困廩商量百事較短長今焉已矣
隔窰窰却使滿目助淒涼風悽愴素帷月吊芳虛堂
嗚呼哀哉尚饗

祭長子婦鄭孺人文

維年月日舅以菲薄之設長嗙而告于長子婦河東
鄭孺人之適曰嗚呼汝之歸于吾家已今十六星霜
矣其德性溫順天資慈惠情慢之氣不設於舅鄙俚
之辭不出諸口以之事舅姑而舅姑悅其孝以之宜

夫子而夫子服其敬以至妯娌之和悅婢隸之歡欣及
於親戚鄉黨者在已終始無貳行在人遠近無貳辭
嗚呼此何修而然哉亦惟曰柔順謹慎慈惠已而夫
順者行之經也慎者事之則也惠者德之施也三者
具而婦道得矣德耀短髻小君布裳怡然聊樂而惟
縫紵是事惟酒食是議及今發其簾視之惟嫁時衣
裳及平日所常著若干而已則婦德之且儉者矣宜
其無往而不善也而奈何嬰疾五六年刀圭無日不

苦口請邀者奚啻三醫試治者不止百方而竟至不起者此何酷禍以若罕見之淑媛遭此無窮之苦厄吾未知其理也蓋或仁心善行不獲見祐歟清氣秀姿其畜不厚歟抑亦天與人固邈然不相關而壽夭禍福未始有命之者耶抑雖有之而人事之所推盪命亦隨之而消息耶夫人必欲有子天下之同情而汝之所舉二丈夫兒咸朝菌而或中殤向於戊寅之春遭殤而慟哭余掩淚惻然而寬譬曰汝毋哭為也

汝方服藥求效而哀過致傷則厥疾難瘳而既瘳則
有子不難矣汝便止哭曰非不知哭之無益而以傷
尊章之心然罹疾旣久生育未必而今無似續是以
自哭耳自是隱忍不復一哭則雖此一事可以見自
持之道而亦異凡常婦人之溺愛無狀者也且我搬
移槩緣憂患疾苦之存仍而來此之初又無內寢強
營成造而助役之勞汝實主之僅至苟完而汝輒溢
狀捨安居而就九原則我獨何心居廣居而享此樂

乎惜哉惜哉痛矣汝之三舉只有一女子在而
齡終及薨此若男子則庶幾典刑之遺存汝之親庭
尚可慰也而汝雖死而不死矣汝之不淑今已十箇
月而一無操文之哭豈我忘情而然也或值多故且
緣不忍去月廿六汝姪子老錫又殤化此何變故氣
色慘亡使我無生意也從今以後天神悔禍俾我嗣
續昌大以熾豈非汝積善而會報於後耶來月即練
制也茲因今日朔奠之設脩此一觴汝其有知而歆

發耶將無知而冥漠耶知與不知吾亦未知而但有
如湊之疾徹天之聲而已嗚乎哀哉尚饗

祭姜公汶水文

維年月日婦舅某搆數行文持一觴酒哭告于晉山
姜姊元靈筵之下曰嗚乎兄之生於世未滿六旬而
賦性也溫厚秉心也端良處家無舛與物無忤平平
穩穩一生做去者隣里鄉黨之所共知也自弱冠時
出入吾門商量周旋而無所不到者衆人之所不知

而第所獨知者也館甥而無泰水邀賓而歡供億則
於尊客之意雖不爲嫌而其於先考之心似不無介
然矣伊後人事變嬪姊氏先逝似續未蕃身後之事
惟有二嬌所幸誨螟申亡付託有人是固比兒焉有
後憾念昔乙丑逮我大故匍匐來救又謀搬運豈獨
故里之還也寔是婚姻之故也街南街北其居偏側
有酒相招有事相度花朝月夕往來憧憧此樂未央
黔羸見猜奈之何二豎告灾奄至不起嗚乎已矣九

原永閼人琴俱亡顧此羈禽又不安巢踰嶺搬挈踣
涼益孤疇昔相依而今安在撤遠在通永隔萬古嗚
乎哀哉尚饗

祭權思補文

維年月日姻弟某以數尾海族一盞漬綿送家况正
鉉奠哭于近故處士安東權公靈筵之下曰嗚乎自
我館甥于兄家于今四十有五年葭莩之植猥倚玉
樹每蒙警策辭氣穩吐誨我愛我尊岳泰水出入周

旋言笑密通豈意中途鳬鴈分
一東一西形影依
依顧此羈禽不安其所旋返孤
邱苟獲爰處公以暮
年謀就江南此固暫圖豈心所
甘惟我病室十年嬰
痼化者難作朞過已五謂公定
力庶幾遐壽胡為二
豎肆此殃咎亦何氣數鵠音
曉仁一年邱山棲萼俱
飄允子孝養謂當全城人事不
齊世路難平千里馳
驅見星而行萬古長夜恨結幽
明何以慰之長程在
前那無食報所恃者天居諸易
邁一暮奄迫素帷寂

寥風雪蕭索人生幾何第亦裴邁瑟縮窮廬寒威可
怕緘辭寄哀有淖浪亡靈其有知庶鑑衷腸嗚乎哀
哉尚饗

祭族弟箕壽文

維歲次丙戌八月辛酉朔二十四日甲申菊潭公中
祥在吾明族從其端憂窈糾悲不能已擬一泄哀設
非奠綴荒辭哭告于靈筵之前曰嗚乎命數不齊或
有脩而有短愛惡無常或欲生而欲死公之生於世

六十有三年則可謂處於脩短之間而人之嗟歎而
愛惜者齊口而同辭曰我公之德壽何不滿其德也
我公之仁壽何不充其仁也此則知與不知間巷婦
孺之一談稱道者而惟其一門之尊敬諸宗之仰賴
則實有他人之所不及知者矧吾漂泊餘喘僅才首
卸悶我庸懦覆我顓蒙忤亡事商量其亡處周旋謂
百年相守此心未渠央而堪嗟在辰之歲忽驚白鷄
之夢何一朝之不憖竟百身而難贖嗚乎已矣斯人

不可復覩鄉隣於何考德宗黨於何依仰如我後死
踽二馬無所往爵二焉誰訴告生庵公之一號之在隱

然有時而不恐潭菊之零蕭然無色而正愁嗚呼盛
德之人終不可復覩耶英靈之氣將化為長松歟藹
然之仁將敷為三槐歟飭其根而食其實庶後人而
無窮期嗚乎自公逝後令嬌鄭室倏然而化抑亦悶
其哀窮招使陪遊於地下耶抑其命道多舛長往而
不返耶是未可知已虛堂月疑素帷風悽只傾一觴

之菲薄難罄九曲之衷腸嗚乎哀哉尚饗

祭鄭煥文

維年月日西河盧某謹以菲薄之具哭告于查兄鄭
公之靈曰取賦既豐則嚮用庶其不嗇矣便仁坦腹
賸貯天真諄仁雅度不露畦畛自處則雍容雅飭待
人則渾浩團和以若德厚何其食報之有慙也嗚乎
人生幾何寄於世不盈六旬而其間欣戚不可以一
二槩矣惟兄所矯是弟賢婦而端莊之儀貞淑之德

固可以垂範女則而倚以爲壺儀奈之何一病累年
刀圭無功竟使兄塞默而盡傷則其舅之痛惜冤抑
豈忍提說又其所育非男惟女遺其典刑如艸靡之
畱香泥鴻之印爪可念而可佳者非渠是愛其孀是
懷自兄去後未幾幾月賢子婦奄忽下世且無一塊
肉表其遺迹則雖在冥中寧不寒心惟有愛慰於九
泉之下者存焉大連誠孝克家善述晨朝謁墓之節
膏晷做課之篤實令人起敬歎賞而可以感靈神於

小園文集下
四
幽冥之中矣善事寡母收恤稚弟固其能事而餘他
承家勤業綽有餘裕則兄之遺恨庶可塞矣復何言
復何言今則大椿已迫音容日遠而雲白山青何時
更回嗚乎文不能達情一觴告訣聲徹總雉兄其知
也否嗚乎哀哉尚饗

祭姜公瓊欽文

嗚乎序二姊兄晉陽姜公大椿不遠而操文之哭尚
稽于茲二以八月癸亥朔癸一巽羽數錯鱗沾江城

釀一酌而綴數行文伏哭于靈筵之下曰念昔甥館
于吾家者每慮厨供之未盡陶匱之常恨逢迎
之間年契濶又睽離方西飛燕而南飛鴈吁嗟乎公
之生世者又何乎多釁昆季叔姪之零亡落亡兮每
羈巢之不安暫寓於池上方又多年而棲屑忽聞淩
遽於武山方月經三而承實嗟未聞乎病報方傷旅
魂其客中客榮一孤而單孫方何兄吾姊之八耄窮
天極地而痛哭兮聲天徹而淚泉咽貞昨歲之孟陬

方始赴哭于遙几寂寞兮德容蕭瑟兮總帷掩淚吞
聲而歸棲方病亦纏身而不尋駿亡如下山之日方
強策杖于汾上祖若考妣墓之省謁方六年于茲今
始往嗟此行之難并圖兮已筋力之難強僅扶衰而
來此方信吾兄之永逝寄他山之肩草兮嗟九原之
難起最吾姊之榮仁方憐衰病之莫甦固生靈之有
限方沒吾寧而何嗟嗚呼世路之膠擾方生亦非榮
而死不足悲哀未盡而文不足方期未忘於永世嗚

乎哀哉尚饗

祭族叔和樞光懋松坡文

維歲次乙未十一月丁酉朔二十六日丙戌族姪寶
生競壽躬執菲奠再拜哭告于嘉善大夫同知中樞
府事松坡翁筵下曰朞已過而迄未撤者蓋以梓
宮在殯不得行私事之故而抑亦使孝孫伸未盡之
餘哀歟嗚乎盛哉公之賦性真是豐矣渾厚貞亮安
於素履與物無忤不間表裡親之以灸肫仁其仁即

之而溫藹二如春晉鄙之熏感服幾人肘後之方活
佛假手萬人如海仰若山斗嗚呼休哉邁追先緒早
歲陞庠韞而不市邱壑是藏菑夫甘伍娑娑徜徉道
然怡然矜式隣鄉逮其晚暮 恩榜重回錫 命維
何樞府洞開繫我宗黨孰不艷慕矧我粗暴每加規
導悶我愚騃警我頑魯然而蓼虫忘辛陋質莫化何
嗟及矣到紛如也嗚乎惜哉公之生世可謂多釁誨
螟穀似西河淚拔數顆稚孫或醵或齎零丁相依如

見藻觀此歡未罄蒼旻不憖閭衡相哭士林咸悼儀
於何觀德於何考九原難作典刑永隔一觴敬奠萬
古痛盡嗚呼哀哉尚饗

書

慰金承旨明鎮疏

乾壽省禮言禮書之外夫復何言伏以先大監府君
春秋雖已隆邵定力所到謂當享百曆遐筭豈料一
朝條爾捐館奄經襄奉哀痛奈何罔極奈何木稼之

伯實有關於時運之不幸凡於平日至清光而趨下
風者亦為之悽悵而於邑而况忝在座主門生之列
者乎承實之後禮當匍匐而來暮功之慘不離於
身并去年哭長姊喪去春適人女子歸寧見化去冬
歌叩盆為無眠鰥魚今春見童孫中殤之憾積傷之
衷雖強為理遣飲啄失節榮衛如朶起居動作全不
成接近地知舊間吊慶亦不如意致有得謗自度千
里脩程窮咎未易則雖以哀執事洪量不加深誅肉

實罪悚寧敢自恕也屏息恭俟耳河上舍在九甫近
何客狀每亡念到耳餘惟伏祝節哀順變千萬支重
不備伏惟哀照

仙遊洞諸執座下

昔人有願仙者寤寐思念未之不得一日偶逢平昔
友人覺道登仙者欣然款接高揖致辭曰僕之出沒
塵臼浮沉苦海已多良苦願脫屣以從矣可不棄許
叅否友人皺眉揮手曰全未全未子勿願仙吾以仙

班曹司陪遊列仙之會奔走執役於駟騫駕鶴之後
肩瓊壺背玉局十洲三山瞬息馳驟而氣霞汗漿猶
未免責罰之四至早知從仙之苦若此其何敢願學
焉子慎勿願仙此語也余嘗耳之於閭巷善譌者今
日之事適與相類故書此呈上未知香案諸仙班能
寬是罰否幸垂遍照

與閔正言致亮書

伊阻以矣便若江湖之兩忘有情儂作無情儂者自

我之謂也敢問鞠涼俱存無故之樂必有孤露子立
者之跂羨而不及知者而况又山榭圖書吟諷自適
賸享清福每令人夢想竭來於山陰道上也第去月
下間往汾上今月初五經先考緬襄於舊兆一席之
上復承十六年前顏範如新岡涯已無可言而壙內
亦不無小害痛迫尤切回路同行猥多又緣忽遽末
由歷拜耳錫也子母並無恙可佳可悅而長婦阿近
以寒戰大作擁衾不省者已屢日非但以矜悶為言

而已而自已否泰無暇仰控耳京信近承否以此月下鄉云果然否種已馳想餘萬心擾不備

與閔樵史致完書

昔南壺谷居停北青時有感間一人寄書曰今年運氣不佳願台監小小節飲其人蓋是談命者也公不以書答之以詩題書背曰萬事何須磨尹卜一生不願楚臣醒詩意廣蕩宵次無碍走欲踵以酬之曰幾疊雲山掩畫屏高人棲息口如瓶何似彭城風雨夜

棣華床下對眠橫萬疊雲山長時磨瑩而準擬往候
但邛邛九折非褰脚可辨而所望噬肯適我耳然無
所事而有此心吾未知此心果何心也

與趙監役性家書

中秋惠覆向於今日望間自佳谷便轉來如隔壁仙
語可聞而不可見伊后旋復寂二更惟僑居燕超與
塵兀相遠其高蹈可賀第和也竟不起疾天耶人耶
命止於斯耶計使回後仍不聞信而慮念無時不馳

以後適有汾上便內札其妻下殉云狀傳大槩而已
詳則猶未也慟矣悲夫此何忍說昔嘗因兄敬聞令
曾王母夫人殉節事每過閭下必式而欽歎矣今聞
此報何其高門節義若是烈亡之盛也嘗見程夫子
著程孝女傳而孝女之行百世不泯金農巖爲一家
殤女誌文其女吳氏婦從傍視之曰此女得吾翁文
傳之不朽雖死無恨云妄意仁兄嘉其行而愍其冤
先著河烈婦傳以慰泉下之恨而次及於鄉人儒士

發論上徹以至闡揚則其於尊先文氏夫人可以配
美而並傳矣抑其舅則摧折剝喪之餘荐見慘惡亡
懷纏腦安能用意於此等事哉不得不同堂諸賢致
力周旋乃可就緒未知盛意以爲如何此非阿私寔
是公議所在應不泛視之矣第狀塵冗而已餘不備

與趙監役性家書

芝字之接已七經歲昨秋惠書亦幾歲周而尚未謝
覆知罪矣意外令或來訪初不省何人而因傍人之

警始知其矣則其昏耄蔑聰大可想矣聞知然後自然泣然如泣者非他以外孫鏞和夫妻冤道之恨戀戀未忘忽見令或幾乎泣下旋覺近婦之譏而止之狀見賢或而戀和孫則奚直元賓之似者而已哉道故未已談卒辭行此非情外乎苦挽不得直向孝村如使兄當之則雖投輶挽裾不能躲避矣景郊事如是莽蒼而弟則無往來之筋力猶或可恕而大兄自往年至月中遘輪證五朔長燈僅至今四月下間始

才擡頭然尚未昭惺一見之慰尚稽至此耳雖然景
郊之心想不無無情之誚矣元可諒之否若則一僵
仆而兄亦畧異也會面難期安得不悵然缺然乎臨
紙罔知攸言不備

與趙直教性家書

昨冬以還眼中不復見故人情訊如之何勿思道路
屬潤覆吞亦無由得梯便成江湖之思何歎如之伏
詢僑中顧養靖晏上與衛武蘧王唯諾千古不知老

之已至而庇覃並嘏願聞莫親弟年來屢經大證幾殊不殊真恠事惟竢符到而已先考緬襄將營於本麓咫尺之地非敢邀福利而然青烏之言雖不可信似有失穴之謬為此不敢爲之舉而又不得臨穴大慟以泄罔極之私使兒輩擔夯大事此豈情理之所堪哉岳亭事聞甚盛舉然本孫諸家多事未遑士賢友面行三朔間經輪回回期尚遲河上人校會似難容易主張可諒此否餘昏不備禮

與崔進士孝淑書

地遠使濶音問邈然今月上旬間得奉特里仲由友
驚聞令允二哥寃寢之慘此何惡報此何厄會料其
氣質堅強且無天札法矧以德門休蔭老兄積善罹
此殃咎神理之難測有如此否上古太平之時老不
哭少父不哭子今衰世耶抑氣數之促歟身命之厄
歟雖然有一言可告古今天下寧有殉慈而從者乎
上自湯文下至孔朱進境遭慘非一二可記而皆能

理遣排抑深自寬譬惟願吾兄努力持粥無添老病
使令允大哥小紓割半之懷而亦免湯下之憂則至
幸至幸弟去昨二年疊患重證僅得不死八十之齡
康健何論先考山地似失一席之差更營舉下之舉
豈敢要福而然也然且難強疲質不能作行使兒子
擔當此事南望長號未泄臨穴之慟耳若衰脚稍可
運則早晏似有楸行而勉晉強慰耳不備狀上

慰趙監役性家書

省禮言令仲氏喪變此何報也承實驚愕何能已已
此兄至行世復有其人乎况以加隆之友愛悲悼沉
痛何可堪勝伏念同摠契義相愛深切者落落如晨
星遽爲秋栢之實矣豈不令陸生賦歎逝乎雖或有
一二存者左僖之髮銀沈郎之腰瘦已屬廿年前所
歎則或者造物翁其肯漏却鬼簿耶固知生靈有限
大分已定而不死之仙豈可外請乎伏惟割半以後
體上不至大損則甚幸甚慰令咸戴星那間還抵也

遙想當時情境無以仰慰而追念不肖孤往事不覺
齒然大痛替爲之倍傷第去至月間不下堂而有子
春之憂尚今整鬢守堂加以毒感髮腫三朔猶留餘
他憂慮纏心驅去復還奈何奈何當付疏於咸哀而
姑娛脚部稍安面慰是圖耳不備狀禮

記

生庵記

族弟箕壽號

朱絃之絲熟而練之其聲清越虎豹之皮熟而鞞之

其性堅韌大凡為物不至精熟則無以盡為物之理
物奚獨狀尤有甚焉為人道是已然而馬首之未絡
牛鼻之未穿因其生而全其天者也質朴之未斲混
沌之未鑿保其真而全其生者則孰知生熟之間何
者為損而何者為益也僕之於生庵子可謂心知之
稔熟矣雖在滑溜而能葆淳真則操心之工不為生
疎或在凌遽而處事精詳則應物之際不謂生涉矣
若其看文字眼孔不窄仁自成老練熟手對人客語

意不帖仁有若輕車熟路凡於事為意謂精且熟焉
一日過之出一篇序示之琅然展讀於風簷之下忽
心訝之曰異哉予之扁楣也以吾誰昔之所知量子
日用之行不謂不熟而今以一生字強把捉自名則
抑將梔蠟言貌取媚於人而方曰練熟歟突梯脂韋
奔走世路而乃謂精熟歟苟欲轉其生而就其熟則
是所謂持琬琰而易羊皮學邯鄲而失本步者也况
吾與子俱已白紛如矣之生也有涯何必較短量長

長於此生彼熟希覬於進取哉守真抱拙無增人生
憎是亦養生之一方也吾子倘有意於此乎如我沉
痼於受氣之卑茶膏旨於賦性之疎慢自不能奮發
其於益友無以族藥之鍼砭之矣黃熊僅驗倘憐其
驚駭之無可割而以保持桑榆之晚景則庶可爲知生
處生之道否庵序則主人自警之撝謙而徵記之屬
僕其人也哉三辭不獲強爲之記

河氏家塾勿齋記代人作

蓋學舍之修興或有關於地理之擇得而至若武夷
之竹林廬山之鹿洞或置精舍而講學或立洞主而
教授惟我一門之家塾興廢固不一學生少輩無隸
業之所春秋詩書有東閣之慮長老咸吁嗟而興歎
遂會宗黨而相議度地於村左小麓靜閑回互處營
建一堂而命之曰勿齋蓋取其地形之如勿字也即
其堂之前後累其石而築之臺足以叙風詠之樂行
其泉而墜之池可以見盈科之義遂封植之疏拓之

昔之荒原斷麓皆回巧獻伎於絃誦几案之前工訖
仰詒于衆曰使吾宗黨藏於斯息於斯講劇不懈箴
服於顏氏克已四勿之義用力於程氏上半下半之
工文章爾雅衿珮繽紛則豈非一門未艾之福也耶
遂爲之記

咸陽蓮桂堂記

咸之爲郡山水明而淑氣平焉自先正文獻公一蠹
先生倡明斯道羣賢之鬱然繼起殆若閩閩一時之

盛宜乎嶺表諸郡之推以冠冕也至若科宦之頻繁
地靈儒蔭雙茲之效吁可驗矣司馬齋之設蓮案之
錄文孝公玉溪先生創之而其後進士林公尚圭氏
又續之矣然舉蓮案而闕桂龕或者前賢有所未遑
歟章甫發論合而錄之於是乎一鄉之文獻備矣齋
老而地不容不修而以章甫聚會之便棄栢洲舊址
移建于校宮牆外咫尺榴紅畫堵菊黃飲落歲丙子
也有司河君在九疊君泰鉉也相其地董其功鄭君

在衡獨賢皆遵案中人也案既合錄因以名堂而可
無記予鄭君謬屬乾壽不文宜辭第念鄭君以一蠹
齋孫鳩倭既勤而兢壽與泰鉉亦玉溪旁裔竊以相
是役爲榮遂敢批筆而若其奉勉於來許者兢壽非
其人然竊惟茲鄉後學佩服乎一蠹王溪及諸老先
生之遺教而得爲君子儒則孟子不曰修天爵而人
爵從之乎苟能如是豈止續書於科案而已哉聚於
斯堂者盡亦繼仁馬崇禎紀元後五丙子陽月日

忠貞朴公邁碑陰記

嘗讀韓文張中丞傳敘壯其隻身抗敵至死不屈未
嘗不三復悲歎也在昔龍蛇之變有朴公諱邁字景
實春塘先生四世孫也其為孝為忠是家庭承襲而
丁島夷猖獗人皆鳥竄公能奮然舉義與苞山郭公
拜祐及趨本郡盧公士豫士尚安陰鄭公惟明山陰
吳公長諸賢招募鄉兵規畫軍需至丁酉拜變倭酋
猝來公家以刃脅降公顏不變氣益壯勵聲怒罵曰

寧守義以死不爲不義屈遂北向四拜脫其衣冠挺
身出坐賊知其不可屈竟以害之賊雖蠢然猶壯其
義標其閭以故時人得知其蹟噫身雖死於亂刃名
不湮於後世鄉士慕其忠方伯高其義轉聞于朝
表里旌忠隱卒崇終吁其至矣萬曆三十九年創建
其門崇禎四乙巳重修而其後孫恐其板字歲久漫
漶將以石改之屬余記其陰余曰惟公貞忠邦人艷
慕之朝家褒貶之何待文而著也茲述前人之意

而並採金松庵遺集文茅溪手記中語以記實蹟云

伯從曾祖曾祖考旌閭碑陰小記

公兄弟俱以昭齡失所恃甫弱冠又喪所怙常痛孝
養靡逮以是心善事繼母甘旨供愉婉容未嘗以貧
窶忽遽或闕母氏常曰使吾能忘未亡之懷者惟以
此兒輩而其純誠不懈真吾孝子云蓋其孝思匪直
有得於家庭早從櫟泉宋先生門理學之粹禮說之
會並稱師門高弟及丁母虞將窆忽大雨川溢喪車

不得運方欲退卜而攀擗號天天忽開朗水退乃克
襄人謂孝感之致云其喪祭之禮廬墓之節一遵昔
賢遺範道儒嘉其行累世呈籲始於今上乙酉貽
爵命旋豈非後孫莫大之慰而闡揚有時乎曾孫乾
壽泣拜謹記

序

豐川廬氏世譜重刊序

凡譜書合宗族之本源支派詳言昭穆之繼續往來

而惇仁明義使百世而不替者也苟或譜錄久曠則
有故犯濫枉而如郭崇韜之妄哭汾陽昭穆未詳則
或自嫌忝冒而有狄樞密之不祖梁公者是已噫吾
譜之修在去乙巳則五十餘年間諸族之散處者何
限而幾至爲秦越存亡而繼世者雖多而或互雜薰
蕕則懼夫愈久而愈失其真也於是宗議齊彞合謀
是役以補中間未遑之跲豈不欲齊其不齊而難其
所難也哉第恨持平公孤遠在圻服諸邑而送人修

單不幸道路梗塞中途回轅則既張之役不敢中撤
故不得已以居京數字書於是派之下文孝公派單
雖來而議未合當合而復離或入而或否是所謂春
秋幅裂易分數家者耶嗚乎噫嘻此固是役之大欠
酸而竟不得成完譜校尉公派自公至提學公殉國
旋忠貽贈輝赫其餘大小科甲屢世聯次然自公僅
二世後則世代諱行與原譜中諸派或不脗合且舊
譜有收單晚到以附下端之語而所慨惜者今又未

至故因未單而特并於末端之首至若繼絕而續后
者只依乙譜而填之於左其凡例則並仍舊而揭於
篇首更無添損焉蓋以後生之蔑識而不敢改前人
之成轍故爾此皆諸宗公共底議非一人之私論而
敢爲之也若其得鉉之詳明斗鉉卓鉉之幹當墳壽
興鉉永萬之研精繕寫莫非諸賢勞動懇實有功於
斯役而顧乾之裴頡恭軟如蛛志者無一臂力相之
愧且慙焉凡我同譜各自慎旃無忝爾所生 今上

之三十二年丙申春不肖孫兢壽拜拜濫書

下德谷鄉約規序

嗚乎古昔盛時導民成俗之方尚矣禹叙九功之歌而勸之童之周設八枋之法而教之糾之聚欲之國而之天下講禮興化者無不自鄉而始之也吾夫子嘗曰觀於鄉知王道之易也夫鄉人之或射或飲豈足以闕王道之大哉惟其習射而長幼之節著焉禮飲而孝悌之道寓焉則王天下之道豈不實由於孝

悌長幼等威之明不明歟夫何叔世歸來士超汚下
民習渝情至於勸糾之方揖讓之風已屬弁髦而間
或有有志者超拔流俗欲學古而講禮則皆譁然相
笑若吠雪吠日者然士何以興起民何以感發也近
幸有巡使之文諭申明地主之奉行勤摯庠設講飲
之禮塾有會規之意則相率以正孰敢不正而勉勉
行之彬々爲君子則古所謂齊部世刺繡恒女無不
能襄邑俗織錦鈍婦無不巧者也凡我約中胡不慥

慥也相勸之相糾之不為不率教之民則幸甚幸甚
跋

鄭唐谷實紀跋

代人作

唐谷鄭先生詩文若干篇而後之覽者以其遺佚未
全為恨然丹山片羽全鼎一臠足令人歎賞何必多
乎哉先生之後孫大永懼其愈久而愈逸也將欲活
印而壽傳焉則於先生實紀不無諸賢叙述之備而
謂余是先生學相傳道同方之裔孫命余綴數語以

尾之余既昏且謏陋何敢僭越而贅說哉古人有言
涉不至阿其所好又曰文章如精金美玉自有定價
是集之行也必當有具眼者興起而鑑定而以其原
集之散逸無多勿之恤也

行狀

君名乾壽字時用豐川其望而天嶺世家也其遺胤
參奉正鉉以余爲其先友而詳知平日事行屬狀州
以修潤焉余老昏閣筆視而於此不忍辭君之久先
世德歷載先碣且於家學十圖詳焉曾祖諱詒國宋
櫟泉門人以孝 贈旌祖諱錫宗早世考諱光稷孝
胞司憲府監察監察公童年奉母寓外宅晉之雲谷
梁氏之隣聘河公采浩之女賢而早歿生二女及君

君方幼監察公自以輪翽邁倫治生捐仁化竇致羸
教子之方嚴慈並濟不使放一步於矩矱之外君能
怡愉承順未嘗少拂親志無愧古之父子間知己雲
谷之齋功令鉅手每夏必盛會就而學焉才諧酋仁
輒駕上駟竟以癸酉春陞庠而監察已不在君以是
痛恨自後跡遂絕於大科場屋意不萌於初仕蹊徑
人或勸之笑曰小成幸符親望更何求哉監察垂老
常切戾瀆之憂君克體先意擬還介坪先庄枌榆春

色依舊青亡身室俱潤文學雙美一家之和氣盛矣
四境之英譽馳矣樂歲儉而有節荒年積而能散庇
族恤姻施過萬緡賙隣濟交潤及九里先塋四世龜
趺螭首觀者稱美各位土田優供置籩腆豆而獨出
自己之力不添諸族之助一念不弛懼先業之隳百
務不惰慮吾事之落不時鞏革之安常懷苞桑之戒
深耻趨羶附炎自甘抱朴韜光以是怨寡於悅實浮
於華德基既膺晚福愈泰且離康健天餉孔厚享年

七十有七以己亥九月二十六日卒葬某山某坐之
原嗚乎亦言公之行孝謹愨實宅心淵冰律已錦綉
治家之法得威如之吉接人之道有薰如之和斷靡
割偽持方入圓皆人所不及而君極精緻規模一定
余甚踈脫懶散宜乎杓鑿不相入而芥為珀拾玉取
石攻以瓦佩之相好到正調而不渝君之不寔舊之
義職此可知自號抱甕取方外漢陰之語戒其機心
機事也念數世之喫貧以未嘗奉親之好衣異饌不

近於體不納於口暇日屢及於西疇之間勸僮僕耕
耘無失時詔兒孫咿唔必課日仁用云為皆不越本
分事劬書綴辭蓄之淹博教之煒燁需用之場可謂
誰之不如而談論之際必曰我未能馬謙已推人而
循仁雅飭之容可挹安東權氏睦中女其配也事舅
孝從夫順教子女慈不掩義御婢僕惠得其懽勤效
日著產殖歲增余於雜侃知其賢也歿先於君二十
二歲其山其坐其窆二男長即叅奉次周鉉禁府都

事二女壻鄭宅教趙東奎都事側室男琦鉉泰奉娶
鄭煥文女生一女適林苾熙繼配許氏亦生一女適慎
宗三三配文氏生其二皆幼都事娶參議閔致完女
生五男一女長娶朴餘幼鄭三男二女娶某嫁某趙
一男一女鏞和進士女適許餘慶方未艾也狀草甚
略附以余所知者叙次之如右又於碣文互出宜參
看焉商橫困敦觀月日巴山趙性家撰

墓碣銘並序

士有百行而不務實吾何以觀焉吾友進士盧君名
兢壽字時用於務實二字其可謂云爾抱甕其自號
蓋取漢陰丈人機心機事之語其所以用心者可見
君之先天嶺介坪人皇考監察公就外家于晉之雲
谷居焉君實生長於是與余接聞而長一歲未冠而
交契密蓋志氣有相孚而然者自與世之未同而言
者不同矣君幼失恃監察公并母道鞠之必有義方
食息不離典訓之內君孝謹承順無子弟過治功令

業爲門戶訐場屋聲噪于時 今上癸酉中司馬監

察公期望愜矣君以未逮親爲無窮恨居無何遂撤
還先庄亦所以體先志也絕意仕進恬養自晦惟以
教子課孫爲事清標軒舉顏如渥丹八耄康健無異
少年時已亥九月二十六日遽以疾得年七十七而終
葬某山某甲之原君家素寡以母夫人送終有憾終身
不服紬帛食有素味則輒不樂曰古人有位公卿而不
重肉兄我不能供親於前而今忍以自養乎每語及

輒法朕祭祀豐潔致如在之誠至寤臺不替監察公
有孝行君至誠顯親蒙賜是啣信乎不虛降矣勤謹
為持身之方節儉為成家之本課僮僕力耕稼每語
家人曰我生長田家目見先人勤苦治生而今忽怠廢
是忘本也是以自奉甚薄而驕奢二字為子孫深戒
至於周卹窮乏不以財喪義四世之阡幽誌顯刻烝
嘗土田不許侵宗助力凡事有規矩一定不移自必
讀書肄業必立程課無進退儕流不能及性周詳勤

敏纖悉無遺漏山塾同處文具及饋政必推君檢管
遠近出入君同行則行中巾襪罪策之屬一無遺失
見人之濡滯而忘起遲緩不及事咄口如已病其於
修襮近名夸張以自誣者不能正視焉經史子集涉
獵甚富而飲筵不自以為足爲文不尚浮靡以媚俗
君可謂不負其自命者歟晚年又號小隱云盧豐川
著姓入天嶺有諱叔全禮曹參判選清白吏世稱松
齋先生享道谷祠并傳而諱文明爲己卯名賢一壺

鄭先生門人道谷同享寔君十一世祖也曾祖諱喆
國受學於宋櫟泉以孝 贈旌祖諱錫宗監察公諱
光稷妣河氏米浩其考配權氏處士睦中之女生二
男二女男長正鉉進士 泰陵叅奉次周鉉義禁府
都事鄭宅教趙都事東奎其婿也內外孫男女不盡
錄銘曰

不慕浮實之名方不為過分之行機心息機事絕方
惟孝謹以為政實心召和方德人魚以福翁稱撫實

揭銘若以要之言言可徵

庚子暮春巴山趙性家撰

附錄

輓詞二十首

趙月泉性家

聞君爰啓道山行白馬終慚范巨卿殿以些章遠達
驢鳴乎可謂負幽明憶昔恭亭鉛槧會長余一歲
始成童伊後光陰餘六十依然馬異遇盧仝我檜
君雲縈十里別時恒少會時多未識孟韓當日契雲

龍等我兩人耶 源庵深閬淨無埃冬課三年喫苦
迴不及於君三十里古人先為我論才 心蘇最是
有名亭會者如雲三夏經回笑是時功令業薛門問
價抱青萍 形影相隨無遠近會常同案讀同檠記
得檜山松葉粥何如啗薺蔡先生 于洛必鷄鄉必
蟹槐黃時節鹿鳴歌甘苦酸醎多少味風呻雨喟付
呵二 蟬貂不獨世間榮第一清啣進士名先公所
望常於是天隕終符孝子誠 瀝水洋仁繞渭城介

坪桑梓是先庄越疆百里翺狀返高大門閭爛有光
允矣先公追慕孝馳銜昭仁自天監爰暨兩孫俱
筮仕齋霽府颺輜攸覃先禁至君倍致羸劬經訪
史不相妨賙恤皆由黃卷得實心實事耻沽名振
起家聲誰不願宅心仁厚是爲基瑜珥瑤環皆可念
滿堂和氣自怡仁大抵人間好題目叢君身上更
何求豈止一鄉爲善士名於其實不爲浮兩世先
塋昆與晉春秋匪懈省楸行歲仁弟仁來有信一燈

談笑到深更 安陰三洞不堪唾
攜手同遊屢約曾 青猿白鶴應
饒笑黃髮蹉跎愧未能 每憑音
耗慰懸亡八十康寧等少年元來
松柏經冬茂天遣仁人晚福圓
再昨秋間濫院會見吾寸牘即光
臨翌日踵門經宿返一宵詎罄百
洲襟 數百茶亭花珮伴
一生事業孰能京肯向乙綦占定
分元來樹立以勤成 夏末逢君
同閑士喜聞宿恙七分繚絲來方
擬馳書賀天固難謀竟祝予 我
病無時不沉奄晃孫

離側亦云難百里迢迢送奠嗚乎已矣可勝歎

又

進士崔孝淑

不佞頗閱世於人眼無眴步武不失尺家計自成規
儀圖若爾人除非我公誰所以托契末七十年于茲
昔居巷南北憂樂與相資課書盍簪日罷酒枕股時
徃亡談笑際媿亡肝膽披年紀雖友執制行實吾師
蟬聯舊地閤朴實好天姿績文風成章升庠晚亦奇
兄有佳子分寶樹與靈芝問公亦何憾諸福無一虧

獨有友生歎珍賦客夏垂憐我遭酷禍歎仁理譬辭
楸行謂在纒指徵一面期俛仰今已矣摩挲淚漣漣

又

安陵寺敦公

雲湖竹馬友公獨歸靈光勤儉重道性文學早知方
剪燭藏齋案聯槩漢師場造物圓何惡中身終渭庄
親朋皆惜去我如獨踽涼年仁省楸路訪我玉山陽
揜袖相分日繾綣語意詳命駕猶千里莫遠晉咸疆
鳥夢南枝月甘老富而康教兒連通籍勉絃竟登庠

門欄漸昌大復高松信堂病報憑依信實音轉蒼茫
談笑雖已隔儀範永難忘一片秦山土可惜哲人藏
嗚乎楓林遙忘否衆梓鄉漳濱與蒿里逝水誰短長
慟哭吾安適衰髮淚琅玕

跋

易曰吉人之辭寡昔我先君以誠信勤篤之行服先世之嘉訓好學不倦見識宏博文辭瞻敏時有提筆立成數百言有若淵海之亭瀟者其流出之沛然莫禦然性不喜著述嘗曰詩而不得乎性情之正文而不入乎精微之域則是不過風雲月露之響雖日累千百篇吾不欲觀焉是以端居詠懷朋遊酬唱及忘晝之往復需用之文字莫不浹造乎雅正精粹之極

而但所製不多夫豈非吉人之辭貴乎寡者耶嗚乎
當時亦不盡錄其逸入於他藏者今又未蒐是其所
以愈寡也愈寡而愈恐其愈逸仍現存八梓而至若
傍探廣搜以成圓袂更俟後日云

上之四十一年甲辰六月下澣不肖孤正鉉泣拜謹

書

